



妙法蓮華經

卍 卍

# 大乘妙法蓮華經

卍 卍

【全壹冊】

佛曆式伍叁貳年（西曆一九八八）  
歲次戊辰年十二月初八佛成道日

敬印壹仟本

敬書者

明明居士張寬明

印送者

張恒生堂率眷同人

美贈送處

1926 West Cactus Road,  
Phoenix Arizona, 85029, U.S.A.

代贈處

九龍牛池灣鑽石山  
九龍志蓮淨苑  
香港法喜蓮社

督印及  
藏版者

香港佛經流通處

香港北角英皇道三九〇號  
亞洲大廈五樓C座  
電話：⑤一七〇一四七八  
E.K. BUDDHIST BOOK DISTRIBUTOR  
390, King's Road, 4th Floor  
Flat "C" Asia Mansions  
Hong Kong

## 益利大十之像佛經佛造印

一 二 三 四 五 六 七 八 九 十

從前所作種種罪過。輕者立即消滅，重者亦得轉輕。常得吉祥擁護，一切瘟疫、水火、寇盜、刀兵、牢獄之災，悉皆不受。夙生怨對，咸蒙法益，而得解脫，永免尋仇報復之苦。夜叉惡鬼，不能侵犯，毒蛇餓虎，不能爲害。心得安慰，日無險事，夜無惡夢，顏色光澤，氣力充盛，所作吉利。至心奉法，雖無希求，自然衣食豐足，家庭和睦，福祿綿長。所言所行，人天歡喜，任到何方，常爲多衆傾誠愛戴，恭敬禮拜。愚者轉智，病者轉健，困者轉亨，爲婦女者，報謝之日，捷轉男身。永離惡道，受生善道。相貌端正，天資超越，福祿殊勝。能爲一切衆生，種植善根。以衆生心，作大福田，獲無量勝果。所生之處，常得見佛聞法。直至三慧宏開，六通親證，速得成佛。

印造經像，既有如此殊勝功德，故凡遇○祝壽○賀喜○免災○祈求○懺悔○薦拔之時，皆宜歡喜施捨，努力行之。

香讚

爐香乍爇。法界蒙熏。諸佛海會悉遙聞。隨處結  
祥雲。誠意方殷。諸佛現全身。

南無香雲蓋菩薩摩訶薩。三稱

千手千眼無礙大悲心陀羅尼

南無喝囉怛那哆囉夜耶。南無阿唎耶。娑嚧羯  
帝爍鉢囉耶。菩提薩埵婆耶。摩訶薩埵婆耶。摩  
訶迦盧尼迦耶。唵。薩皤囉罰曳。數怛那怛寫。南  
無悉吉唵埵伊蒙阿唎耶。娑盧吉帝室佛囉楞

馱婆。南無那囉謹墀。醯唎摩訶播哆沙吽。薩婆  
阿他豆輸朋。阿逝孕。薩婆薩哆那摩婆薩哆那  
摩婆伽。摩罰特豆。怛姪他。唵。阿婆盧醯。盧迦帝。  
迦羅帝。夷醯唎。摩訶菩提薩埵。薩婆薩婆。摩囉  
摩囉。摩醯摩醯唎馱孕。俱盧俱盧羯蒙。度盧度  
盧罰闍耶帝。摩訶罰闍耶帝。陀囉陀囉。地唎尼。  
室佛囉耶。遮囉遮囉。麼麼罰摩囉。穆帝隸。伊醯  
伊醯。室那室那。阿囉哆佛囉舍利。罰沙罰哆。佛  
囉舍耶。呼盧呼盧摩囉。呼盧呼盧醯利。娑囉娑

囉。悉唎悉唎。蘇嚧蘇嚧。菩提夜。菩提夜。菩馱夜。  
菩馱夜。彌帝利夜。那囉謹墀。地利瑟尼那。波夜  
摩那。娑婆訶。悉陀夜。娑婆訶。摩訶悉陀夜。娑婆  
訶。悉陀喻藝。室幡囉耶。娑婆訶。那囉謹墀。娑婆  
訶。摩囉那囉。娑婆訶。悉囉僧阿穆佉耶。娑婆訶。  
娑婆摩訶阿悉陀夜。娑婆訶。者吉囉阿悉陀夜。  
娑婆訶。波陀摩羯悉陀夜。娑婆訶。那囉謹墀。幡  
伽囉耶。娑婆訶。摩娑利勝羯囉夜。娑婆訶。南無  
喝囉怛那哆囉夜耶。南無阿利耶。娑羅吉帝。爍

幡囉夜。娑婆訶。唵。悉殿都。漫多囉。跋陀耶。娑婆  
訶。讚佛偈

容顏甚奇妙。

光明照十方。

我適曾供養。

今復還親覲。

聖主天中王。

迦陵頻伽聲。

哀憫衆生者。

我等今敬禮。

南無本師釋迦牟尼佛。

三稱

開經偈

無上甚深微妙法。

百千萬劫難遭遇。

我今見聞得受持。

願解如來真實義。



妙法蓮華經弘傳序

唐終南山沙門

道宣述

妙法蓮華經者。統諸佛降靈之本致也。蘊結大夏。出彼千齡。東傳震旦。三百餘載。西晉惠帝。永康年中。長安青門。燉煌菩薩。竺法護者。初翻此經。名正法華。東晉安帝。隆安年中。後秦弘始。龜茲沙門鳩摩羅什。次翻此經。名妙法蓮華。隋氏仁壽。大興善寺。北天竺沙門闍那笈多。後所翻者。同名妙法。三經重沓。文旨互陳。時所宗尚。皆

弘秦本。自餘支品別偈。不無其流。具如序曆。故  
所非述。夫以靈嶽降靈。非大聖無由開化。適化  
所及。非昔緣無以導心。所以仙苑告成。機分小  
大之別。金河顧命。道殊半滿之科。豈非教被乘  
時。無足覈其高會。是知五千退席。為進增慢之  
傳。五百受記。俱崇密化之迹。所以放光現瑞。開  
發請之教源。出定揚德。暢佛慧之宏畧。朽宅通  
入大之文軌。化城引昔緣之不墜。繫珠明理性  
之常在。鑿井顯示悟之多方。詞義宛然。喻陳惟

遠。自非大哀曠濟。拔滯溺之沉流。一極悲心。拯  
昏迷之失性。自漢至唐。六百餘載。總歷羣籍。四  
千餘軸。受持盛者。無出此經。將非機教相扣。並  
智勝之遺塵。聞而深敬。俱威王之餘勩。輒於經  
首。序而綜之。庶得早淨六根。仰慈尊之嘉會。速  
成四德。趣樂土之玄猷。弘贊莫窮。永貽諸後云  
爾。

妙法蓮華經目次

弘傳序

卷一

序品第一

一

方便品第二

二八

卷二

譬喻品第三

六九

信解品第四

一一三

卷三

藥草喻品第五

一三九

授記品第六

一五〇

化城喻品第七

一六二

卷四

五百弟子受記品第八

二〇五

授學無學人記品第九

二二二

法師品第十

二二九

見寶塔品第十一

二四四

提婆達多品第十二

二六一

勸持品第十三

二七二

卷五

安樂行品第十四.....二八三

如來壽量品第十六.....三二三

卷六

隨喜功德品第十八.....三五七

常不輕菩薩品第二十.....三八七

囑累品第二十二.....四〇四

卷七

妙音菩薩品第二十四.....四二九

陀羅尼品第二十六.....四五五

普賢菩薩勸發品第二十八.....四七五

從地湧出品第十五.....三〇四

分別功德品第十七.....三三七

法師功德品第十九.....三六六

如來神力品第二十一.....三九七

藥王菩薩品第二十三.....四〇七

觀世音菩薩普門品第二十五.....四四二

妙莊嚴王本事品第二十七.....四六四

妙法蓮華經卷第一

姚秦三藏法師鳩摩羅什奉

詔譯

妙法蓮華經序品第一

開發正宗  
之端緒也

如是我聞。一時佛住王舍城耆闍崛山中。與大  
比丘衆萬二千人俱。皆是阿羅漢。諸漏已盡。無  
復煩惱。逮得已利。盡諸有結。心得自在。其名曰  
阿若憍陳如。摩訶迦葉。優樓頻螺迦葉。伽耶迦  
葉。那提迦葉。舍利弗。大目犍連。摩訶迦旃延。阿  
菟樓駄。劫賓那。憍梵波提。離婆多。畢陵伽婆蹉。

薄拘羅。摩訶拘絺羅。難陀。孫陀羅難陀。富樓那。  
彌多羅尼子。須菩提。阿難。羅睺羅。如是衆所知  
識。大阿羅漢等。復有學無學二千人。摩訶波闍  
波提比丘尼。與眷屬六千人俱。羅睺羅母耶輸  
陀羅比丘尼。亦與眷屬俱。菩薩摩訶薩八萬人。  
皆於阿耨多羅三藐三菩提不退轉。皆得陀羅  
尼。樂說辯才。轉不退轉法輪。供養無量百千諸  
佛。於諸佛所。植衆德本。常爲諸佛之所稱歎。以  
慈脩身。善入佛慧。通達大智。到於彼岸。名稱普

聞無量世界。能度無數百千衆生。其名曰文殊  
師利菩薩。觀世音菩薩。得大勢菩薩。常精進菩  
薩。不休息菩薩。寶掌菩薩。藥王菩薩。勇施菩薩。  
寶月菩薩。月光菩薩。滿月菩薩。大力菩薩。無量  
力菩薩。越三界菩薩。跋陀婆羅菩薩。彌勒菩薩。  
寶積菩薩。導師菩薩。如是等菩薩摩訶薩。八萬  
人俱。爾時釋提桓因。與其眷屬。二萬天子俱。復  
有名月天子。普香天子。寶光天子。四大天王。與  
其眷屬。萬天子俱。自在天子。大自在天子。與其



眷屬。三萬天子俱。娑婆世界主。梵天王。尸棄大  
梵。光明大梵等。與其眷屬。萬二千天子俱。有八  
龍王。難陀龍王。跋難陀龍王。娑伽羅龍王。和脩  
吉龍王。德叉迦龍王。阿那婆達多龍王。摩那斯  
龍王。優鉢羅龍王等。各與若干百千眷屬俱。有  
四緊那羅王。法緊那羅王。妙法緊那羅王。大法  
緊那羅王。持法緊那羅王。各與若干百千眷屬  
俱。有四乾闥婆王。岳樂乾闥婆王。樂音乾闥婆王。  
美乾闥婆王。美音乾闥婆王。各與若干百千眷